

## **К ОПУБЛИКОВАНИЮ**

### **КОМИ РЕСПУБЛИКАСА ВЕСЬКӖДЛАН КОТЫРЛӖН**

#### **ШУӖМ**

**«Коми Республика мутасын меститчӖм уна патераа керкаясын ӧтувья эмбур капиталнӧя дзоньталӧмкӧд йитчӖм ӧткымын юалӧм йылысь»**

**Коми Республикаса Веськӧдлан котырлӧн 2015 во моз тӧлысь**

**24 лунся 373 №-а шуӧмӧ вежсьӧмъяс пыртӧм йылысь**

Коми Республикаса Веськӧдлан котыр шуис:

1. Пыртны «Коми Республика мутасын меститчӖм уна патераа керкаясын ӧтувья эмбур капиталнӧя дзоньталӧмкӧд йитчӖм ӧткымын юалӧм йылысь» Коми Республикаса Веськӧдлан котырлӧн 2015 во моз тӧлысь 24 лунся 373 №-а шуӧмӧ вежсьӧмъяс содтӧд серти.

2. Тайӧ шуӧмыс вынсялӧ сійӧс официальнойӧ йӧзӧдан лунсянь.

Коми Республикаса Веськӧдлан котырӧн

Юрнуӧдысьӧс Медводдза вежысь

И. Булатов

Сыктывкар

2021 вося вӧльгым тӧлысь 22 лун

544 №

Коми Республикаса Веськӧдлан котырлӧн  
2021 во вӧльгым тӧлысь 22 лунся 544 №-а шуӧм дорӧ  
СОДТӦД

«Коми Республика мутасын меститчӧм уна патераа керкаясын ӧтувъя  
эмбур капиталнӧя дзоньталӧмкӧд йитчӧм ӧткымын юалӧм йылысь»

Коми Республикаса Веськӧдлан котырлӧн 2015 во  
моз тӧлысь 24 лунся 373 №-а шуӧмӧ пыртӧм

**ВЕЖСЬӦМЪЯС**

«Коми Республика мутасын меститчӧм уна патераа керкаясын ӧтувъя  
эмбур капиталнӧя дзоньталӧмкӧд йитчӧм ӧткымын юалӧм йылысь» Коми  
Республикаса Веськӧдлан котырлӧн 2015 во моз тӧлысь 24 лунся 373 №-а  
шуӧмын:

1. Содтыны татшӧм сюрӧса 1<sup>2</sup> пункт:

«1<sup>2</sup>. Вынсьӧдны Капиталнӧя дзоньталан дінму уджтасын Коми  
Республика мутасын меститчӧм уна патераа керкаясын ӧтувъя эмбур  
капиталнӧя дзоньталан ӧчередьсӧ индӧм могысь муртӧсьясӧн вӧдитчан  
пӧрадок 3 №-а содтӧд серти.»

2. Коми Республика мутасын меститчӧм уна патераа керкаясын  
ӧтувъя эмбур капиталнӧя дзоньталан дінму уджтасӧ вежсьӧмъяс пыртӧм  
йылысь помшӧмъяс примитан пӧрадокын, мый вынсьӧдӧма шуӧмӧн (2  
№-а содтӧд):

1) 2.3 пунктын:

а) нельӧд абзацын «Коми Республикаса Веськӧдлан котырӧн.»  
кывъяс вежны «Коми Республикаса Веськӧдлан котырӧн;» кывъясӧн;

б) содтыны татшӧм сюрӧса абзац:

«олан пунктъяслӧн мутасьясын меститчӧм уна патераа керкаяс,  
кутшӧмъясӧс Коми Республикаса Веськӧдлан котырлӧн помшӧмъяс подув

вылын Россия Федерацияса Веськӧдлан котыркӧд сёрнитчӧмӧн шуӧма пӧдласысыясӧн.»;

в) 2.7 пунктса медводдза абзацын «1 юкӧнлӧн 5 пункт» кывъяс вежны «5 юкӧн» кывъясӧн;

2) 2.11 пункттын:

а) «б» пунктулын «ветымын прӧчентысь» кывъяс вежны «кӧкъямысдас вит прӧчентысь» кывъясӧн;

б) «в» пунктулын «вӧзйӧмсӧ.» кыв вежны «вӧзйӧмсӧ;» кывйӧн;

в) содтыны татшӧм сюрӧса «г» пунктув:

«г) вевтыртӧма съӧм йӧрышсӧ, мыйта дӧнму оператор вермӧ видзны быд во Россия Федерацияса оланӧн кодексын 185 статьяса 2 юкӧнлӧн да «Коми Республикаса дӧнму оператор йылысь» Коми Республикаса Оланпасын 6 статьяса 1 юкӧнлӧн корӧмъяс серти дӧнму уджтас съӧмӧн могмӧдӧм вылӧ.»;

3) 2.13 пункттын «4 юкӧнса 1 – 3 пунктъясын» кывъяс вежны «4 юкӧнса 1 – 5 пунктъясын» кывъясӧн.

3. Содтыны 3 №-а содтӧд тайӧ вежсьӧмъяс дорӧ содтӧд серти.

Коми Республикаса Вєськөдлан котырлөн  
2015 во моз төлысь 24 лунся 373 №-а шуөмө  
пыртөм вежсьөмьяс дорө  
СОДТӨД

«ВЫНСЬӨДӨМА

Коми Республикаса Вєськөдлан котырлөн  
2015 во моз төлысь 24 лунся 373 №-а шуөмөн  
(3 №-а содтөд)

Капитальнөя дзоньталан дінму уджтасын  
Коми Республика мутасын меститчөм уна патераа керкаясын  
өтувья эмбур капиталнөя дзоньталан өчередьсө  
индөм могысь муртөсьясөн вөдитчан

## **ПӨРАДОК**

1. Тайө Пөрадоксө дасьтөма «Коми Республика мутасын меститчөм уна патераа керкаясын өтувья эмбур капиталнөя дзоньталөмсө котыртөм йылысь» Коми Республикаса Оланпас серти Коми Республика мутасын меститчөм уна патераа керкаясын өтувья эмбур капиталнөя дзоньталан дінму уджтас выльмөдігөн да Коми Республика мутасын меститчөм уна патераа керкаясын өтувья эмбур капиталнөя дзоньталан дінму уджтас збыльмөдан недыр кадся (куим во кежлө индөм кадколастын вояс серти юклөмөн) план лөсьөдігөн Коми Республика мутасын меститчөм уна патераа керкаясын өтувья эмбур капиталнөя дзоньталан өчередьсө индөм могысь муртөсьясөн вөдитчөм дорө өтувья ногөн кутчысьөм могысь (водзө лөсялөмөн – уна патераа керкаяс, капиталнөя дзоньталан өчередьсө индөм).

2. Коми Республикаын муниципальнөй районьяслөн да кар кытшьяслөн меставывса асвєськөдлан органьяс (водзө – меставывса

асвеськӧдлан органъяс) индӧны капиталнӧя дзоньталан ӧчередьсӧ татшӧм муртӧсьяс вылӧ мыджсьӧмӧн:

- 1) уна патераа керкалӧн киссянлун;
- 2) уна патераа керка уджӧ пыртан во;
- 3) уна патераа керкаын жыръяс кийн кутысьясӧн капиталнӧя дзоньталӧм вылӧ взнослысь медичӧт мында мынтӧмлӧн тырвыйӧлун;
- 4) уна патераа керкаын ӧтувья эмбур капиталнӧя дзоньталан бӧрья кадпас.

Капиталнӧя дзоньталан ӧчередьсӧ индигӧн вӧдитчӧны таблица серти балляса системаӧн.

Таблица

Д/в №	Муртӧс ним	Балл лыд
1	Уна патераа керкалӧн киссянлун 60% да унджык 41-сянь 60%-ӧдз 20-сянь 40%-ӧдз 20%-ӧдз	41 21 – 40 0 – 20 0
2	Уна патераа керка уджӧ пыртан во 1970 воӧдз 1971 – 1980 вояс 1981 – 1990 вояс 1991 – 2000 вояс 2001 – 2010 вояс 2011 восянь	41 31 – 40 21 – 30 11 – 20 1 – 10 0
3	Уна патераа керкаын жыръяс кийн кутысьясӧн капиталнӧя дзоньталӧм вылӧ взнослысь медичӧт мында мынтӧмлӧн тырвыйӧлун	

	100 %	50
	95 - 99 %	45 – 49
	81 - 94 %	35 – 44
	75 - 80 %	25 – 34
	75 %-ысь этшаджык	0
4	Уна патераа керкаын отувья эмбур капиталнӧя дзоньталан бӧрья кадпас	
	2008 воӧдз	10
	2008 – 2014 вояс	1-7
	2014 во бӧрын	0

Быд муртӧслы лӧсялӧ таблицаян индӧм балляслӧн урчитӧм лыд. Отвывтан баллсӧ, мыйта пунктӧны уна патераа керкалы, арталӧны кызди балляслӧн отувья мында, мыйта босьтис уна патераа керка быд муртӧс серти. Капиталнӧя дзоньталан ӧчередьсӧ индӧны балляслӧн отувья лыд серти, мыйта пунктӧны уна патераа керкаяслы, чинан пӧрадокын.

Сэк, кор балляслӧн отувья лыдыс ӧткодь, капиталнӧя дзоньталан ӧчередь серти верктуя инӧдсӧ сетӧны уна патераа керкаяслы, кӧнӧ «уна патераа керкаын жырьяс кийн кутысьясӧн капиталнӧя дзоньталӧм вылӧ взнослысь медичӧт мында мынтӧмлӧн тырвыйӧлун» муртӧслӧн значениеыс медся ыджыд.

3. Уна патераа керкаясын отувья эмбур капиталнӧя дзоньталан ӧчередьсӧ индӧм могысь вӧдитчӧны татшӧм юӧрӧн:

а) «уна патераа керкалӧн киссянлун» муртӧс серти – мыччӧдьясӧн, кутшӧмьясӧс босьтӧма Коми Республика мутасын меститчӧм уна патераа керкаяслысь технической серпас серти мониторинг нуӧдан пӧрадок серти, кутшӧмӧс вынсьӧдӧма Коми Республикаса Велькӧдлан котырлӧн 2014 во рака тӧлысь 31 лунся 125 №-а шуӧмӧн, уна патераа керкаяслӧн технической серпас серти мониторинг нуӧдӧгӧн;

б) «уна патераа керка уджӧ пыртан во» муртӧс серти – уна патераа керкаяслӧн технической паспортъясысь мыччӧдъясӧн;

в) «уна патераа керкаын жыръяс кыин кутысьясӧн капиталнӧя дзоньталӧм вылӧ взносльсь медичӧт мында мынтӧмлӧн тырвыйӧлун» муртӧс серти – уна патераа керкаяс серти, кутшӧмъяс лӧсьӧдӧны капиталнӧя дзоньталан фондсӧ специализированнӧй абу коммерческой организациялӧн тшӧт вылын, кодӧ вӧчӧ удж, кутшӧмӧс веськӧдӧма Коми Республика мутасын меститчӧм уна патераа керкаясын ӧтувъя эмбур капиталнӧя дзоньталӧмсӧ могмӧдӧм вылӧ (водзӧ – дӧнму оператор), «Ӧтуввез» юӧртан да телекоммуникация везыин дӧнму операторлӧн официальной сайтысь мыччӧдъясӧн;

г) «уна патераа керкаын ӧтувъя эмбур капиталнӧя дзоньталан бӧръя кадпас» муртӧс серти – уна патераа керкаяслӧн вӧчӧм уджъяс серти актъясысь, технической паспортъясысь мыччӧдъясӧн.

4. Сэк, кор колӧ нуӧдны биаруӧн могмӧдан керкапытшкӧсса инженернӧй системаяс капиталнӧя дзоньталӧм, лифтъяс дзоньталӧм, вежӧм, ӧнъяӧдӧм, лифтса шахтаяс, машина да блок жыръяс дзоньталӧм серти уджъяс, тайӧ Пӧрадоклӧн 2 пунктын индӧм муртӧсьяс серти татшӧм керкасӧ ранжируйтны оз ков.

5. Сэк, кор капиталнӧя дзоньтавны коланлунсӧ урчитӧма Капиталнӧя дзоньтавны коланлунсӧ урчитан пӧрадок серти, кутшӧмӧс вынсьӧдӧма Коми Республикаса Веськӧдлан котырлӧн 2015 во моз тӧлысь 24 лунся 373 №-а шуӧмӧн (1 №-а содтӧд), тайӧ Пӧрадоклӧн 2 пунктын индӧм муртӧсьяс серти татшӧм керкасӧ ранжируйтны оз ков.»